



BOPHATLALATSI BA DITABA BA KOPANELO KA DITSHEBELETSO TSA LEKGETHO TSA AFRIKA BORWA (SARS) LE OFISI YA MONAMODI WA TSA LEKGETHO (OTO)

Bo ntshitsweng ka la 26 Loetse 2025

SARS le OTO ba hlokometse ho kgathatseha ho bakilweng ke taba e phatlaladitsweng lesedinyaneng la Sowetan e mabapi le ho tlalehwa ha palo e ntseng e nyoloha ya ho kwetelwa ha diprofaele tsa eFiling ke dinokwane tsa marangranga a saeba, ho bakileng hore balefalekgetho ba be le ditahlahelo tse kgolo tsa ditjhelete. Ka nako eo ho neng ho phatlalatswa taba ena lesedinyaneng lena, OTO e ne e soka e ntsha moralo wa tlaleho hore setjhaba se hlalhise maikutlo a sona, mme taba e lesedinyaneng lena e fupere palo e itseng ya dintlha tse sa nepahalang.

Mekgatlo ena ka bobedi e thehilwe ka molao ho phethahatsa ditema tsa yona tse fapaneng le tse tsamaelalang tseo sepheo sa yona e leng ho tswela balefalekgetho molemo mmoho le hore mokgwatshebetso wa tsa ditjhelete le tsa lekgetho di be molemong wa naha.

SARS ha e hlomphe sena feela empa e nka tema e kgathwang ke OTO e le ya molekane ya hlokolosi ho netefatsa tshebetso ya lepatlelo la tsa lekgetho e hlokanang leeme le e tshepahalang. Tabeng ena, SARS e ntse e tswela pele ho sebetsa ka thata ho arabela ditletlebo dife kapa dife tse kentsweng ho OTO. Ditheo tsena ka bobedi di kgatha tema ya bohlokwa tshebetsong ya taolo ya lekgetho. Setheo ka seng se hlompha thomo ya setheo se seng, ha ditheo ka bobedi di dutse e le motheo wa botshepehi ba ditjhelete ba lepatlelo la tsa lekgetho Afrika Borwa. OTO e tla ntsha moralo wa yona wa pele wa tlaleho ka la 1 Mphalane 2025, erekaha jwale ho se ho phethetswe dipuisano tse batsi le bakgathatema kaofela.

SARS le OTO ba lakatsa ho netefatsa setjhaba hore tshireletso ya lesedi la balefalekgetho mmoho le tlhokomelo ya botshepehi ba mokgwatshebetso wa tsa lekgetho di dutse e le tse ka sehlohlolong.

Dintlha tsa Bohlokwa:

1. Kananelo ya taba

OTO haesale e ntse e fuputsa dinyewe tse mabapi le nonyetswa ha diprofaele nakong e fetang selemo, ho latela ditletlebo tse ngata tse tswang ho balefalekgetho le ditsebi tsa lekgetho.

2. Ho hola ha Bonokwane ba Saeba

Mokgatlo o ile wa hlokomela hore tikolohong ya jwale ya marangrang a dijithale, tse ka bakang kotsi tshireletsehong ya saeba di eketsehile haholo mme sena se beha batho ka bomong, dikgwebo le ditheo kotsing. Erekaha ditransekshene tsa batho le tsa ditjhelete di se di etsahala onlaeneng, ho na le batho ba nkang monyetla wa bofokodi ba nnetefatso, mekgwa ya karolelano ya data mmoho le

boitshwaro ba basebedisi ho ntshetsa pele boshodu ba boitsebiso, boqhekanyetsi le ho fihella mekgwatshebetso ntle le tumello. Le diketsahalo tse tlwaelehileng tse kang ho kena dikanaleng tsa lekgetho kapa hona ho ntjhafatsa dintlha tsa banka, di ba le kgonahalo ya ho ka nonyetswa. Ho bapa le moelelo wa taolo ya tsa lekgetho Afrika Borwa, tsena tse ka bakang kotsi di hlwele setha. SARS, jwaloka mohlokomedi wa tsa pokello ya lekgetho le tefo ya dipusetso, e ba e ka sehloohong e tobilweng ha ho tluwa maikemisetso ana a mabe.

3. Tshebedisano pakeng tsa SARS le OTO

SARS le OTO ba na le maqhama a matla le dikamano tsa tshebedisano. Ditheo ka bobedi di momahane ho bapa le maikemisetso a tsona a ho sireletsa balefalekgetho le ho kgutlisetsa tshepo hodima mekgwatshebetso wa eFiling.

4. Mehato ya tshireletseho le mekutu e meng e tswelang pele

SARS e ntse e tswela pele ho ntlafatsa mehato ya tshireletso ho lwantshana le tse ka bakng kotsi le ho thibela phihlello e sa dumellahang. Re kgothaletsa balefalekgetho ho dula ba fadimehile le ho sireletsa dintlha tsa bona tsa ho kena le ho tlaleha diketsahalo tse belaetsang ka potlako.

5. Tlaleho ya Diphuputso le Puisano le Setjhaba

Ho ntshuwa ha moralo wa tlaleho wa OTO o diehisitswe ho dumella SARS ho fana ka maikutlo a tebileng mabapi le tsa mantlha tse fumanweng, ho netefatsa hore ho ba le manollo e tebileng le e lekalekanang. Le ha dipuisano tse matla di ntse di etsahala pakeng tsa mekga, ho na le dikarolo tse itseng tsa moralo tse ka nnang tsa fapana, e leng se ka lebellwang tekolong efe kapa efe ya mofuta ona. Tsela ena ya tshebedisano e tobile ho ntlafatsa dikgothaletso tsa

tlaleho le ho kgothaletsa dintlafatso tse bonahalang. OTO e tla phatlalatsa moralo wa tlaleho ka la 1 Mphalane 2025.

6. **Ho tiisa Boitlamo ba rona ho Balefalekgetho**

Bobedi SARS le OTO ba toboketsa boitlamo ba bona bo sa thekeseleng ba ho kgontsha balefalekgetho ho ikobela boitlamo ba bona ka polokeho le ka boitshepo. Re ipiletsa ho balefalekgetho hore ba dule ba fadimehile le ho tlaleha diphoso dife kapa dife ka tsela ya dikanale tsa semmuso tsa SARS.

Khomishenara o boletse hore *“Re hlompha hore tlaleho ya makgaolakgang ya OTO e tla fumantshwa setjhaba haufinyana, mme SARS e dutse e ikemiseditse ho tswela pele ka dipuisano tsa yona le setjhaba mabapi le dikahare tsa yona tse bohlokwa. Le ha ho le jwalo setjhaba se tlameha ho netefaletswa hore SARS e tla tswela pele ho sebetsa ka thata ho nnetefatsa botshepehi ba maemo a hodimo mmoho le tshireletso ya balefalekgetho ba sebedisang dikanale tsa dijithale tsa SARS”*.

Monamodi wa tsa Lekgetho o itse: *“OTO e nka taba ya ho kwetelwa ha diprofaele tsa eFiling tsa balefalekgetho e le taba e hlokolosi haholo. Jwalo ka setheo se ikemetseng, OTO e netefatsa hore ho ba le bohlokomedi le tshwaro e hlokanang leeme ya balefalekgetho. Moralo wa tlaleho ya OTO o bontsha dipuisano tse batsi tse bileng teng pakeng tsa bakgathatema mme sepheo ka yona ke ho tla ka ditharollo tsa nnete le tse ka phethahatswang.”*

Bo ntshitswe ka kopanelo ke:

Ditshebeletso tsa Lekgetho tsa Afrika Borwa (SARS) mmoho le Ofisi ya Monamodi wa tsa Lekgetho (OTO)

Ho fumana lesedi le fetang lena ka kopo ikopanye le

SARSMedia@sars.gov.za le/kapa media@taxombud.gov.za